

վարչական տույժ նշանակելու մասին

«27» օգոստոսի 2020թ

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Ալիանս Կոնսալթինգ» ՍՊԸ-ի մաքսային միջնորդ Էդմար Էդուարդի Շամիրյանի (ՀՀ, Տավուշի մարզ, ք. Նոյեմբերյան, Անդրանիկի 7/31, ն/ք 005431329) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Մարիամ Ոսկանյան» Ա/Զ-ի /ՀՎՀՀ 66983814/ անունով 09.08.2020 թվականին, «Բացթողում ներքին սպառման համար» մաքսային ընթացակարգով, լրացվել է թիվ 05100033/090820/0003606 ապրանքների հայտարարագիրը: Հայտարարգրի 1-ին անուն ապրանքի 45-րդ /մաքսային արժեք/ և 46-րդ /վիճակագրական արժեք/ սյունակները լրացվել են սխալ՝ 297716 /մաքսային արժեք/ և 613.85 /վիճակագրական արժեք/ ՀՀ դրամի փոխարեն նշվել է՝ 217416 /մաքսային արժեք/ և 448.28 /վիճակագրական արժեք/ ՀՀ դրամ:

Փաստի առթիվ Արևելյան մաքսատուն-վարչության Բագրատաշենի մաքսային կետ-բաժնի 3-րդ բաժանմունքի ավագ մաքսային տեսուչի կողմից 12.08.2020թ-ին «Ալիանս Կոնսալթինգ» ՍՊԸ-ի մաքսային միջնորդ Էդմար Շամիրյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով: Նշանակվել է գործի քննություն 27.08.2020 թվականին ժամը 15:30-ին, վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

Գործի նյութերի ուսումնասիրության ընթացքում պարզվել է, որ ««Մարիամ Ոսկանյան» Ա/Զ-ի անվամբ 09.08.2020 թվականին լրացվել է թիվ 05100033/090820/0003606 ապրանքների հայտարարագրով «Ներքին սպառման համար

բացթողում» մաքսային ընթացակարգով հայտարարագրվել է 4 անուն ապրանք: Հայտարարգրի 1-ին անուն ապրանքի 45-րդ /մաքսային արժեք/ և 46-րդ /վիճակագրական արժեք/ սյունակները լրացվել են սխալ:

Նշված հայտարարագրում ոչ ճշգրիտ տեղեկություններ ներկայացնելը առաջացրել է մաքսային վճարների պակաս հաշվարկում 20878 ՀՀ դրամի չափով:

ԵԱՏՄ մաքսային օրենսգրքի օրենսգրքի 84-րդ հոդվածի 3-րդ կետով սահմանվում է՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Նույն օրենսգրքի 82-րդ հոդվածի 4-րդ կետի 2-րդ պարբերության համաձայն՝ հայտարարատուի, փոխադրողի, ապրանքների նկատմամբ լիազորություններ ունեցող անձի, այլ շահագրգիռ անձի անունից մաքսային գործառնությունները կարող է իրականացնել մաքսային ներկայացուցիչը, իսկ սույն Օրենսգրքով նախատեսված դեպքերում՝ այդ անձանց հանձնարարությամբ գործող այլ անձ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարատուի անունից հայտարարգրի լրացրել է Էդմար Շամիրյանը:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում, հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով *Էդմար Շամիրյանի արարքում առկա է 17.12.2014թ. ՀՕ-241-Ն ՀՀ մաքսային կարգավորման մասին* օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հարկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի


1. ՀՀ մաքսային օրենսգրքի 203-րդ հոդվածի 2-րդ մասի հատկանիշներով նախատեսված մաքսային կանոնների խախտում կատարելու համար Էդմար Շամիրյանին ենթարկել վարչական պատասխանատվության՝ տուգանելով **10440 ՀՀ դրամի** չափով:
2. Որոշման մասին հայտնել Էդմար Շամիրյանին, պարզաբնաելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ

հողվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական
դատարան:

Սույն որոշմամբ նշանակված փուլերի վճարման հաշվեհամարն է. 900005024055 (ՀՀ պետական
բյուջե, կենտրոնական գանձապետարան, Արեվելյան մարտավուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ